

“La vaccinaziun vëgn pomez a te!”

Le VAXBUS stá indô chit a San Martin de Tor tla fraziun da Lungiarü – fá la vaccinaziun n'é mai sté tan saurí: “la vaccinaziun vëgn da te” chësc é le moto nû cun chël che l'Aziënda sanitara porta en colauraziun cun la Crusc Cöcena y la Crusc Blancia la vaccinaziun cuntra le Covid ciamó plü dlungia ai/ales zitadins/es. Le vaxbus vëgn a Lungiarü tl zënter (dlungia la fermada dla coriera) en jöbia, ai 09 de setëmbër 2021, dales 08.30 ales 17.30.

Tolésse do la tessera sanitara y le formular anamnestich (che pó gní desciarié jö dala plata internet dl comun). La vaccinaziun é debann. Deplü informaziuns sön www.vaccinazioneanticovid.it

PLOANIES SAN MARTIN Y LUNGIARÜ

Düc é bel invia da gní a tó pert ala prozesciun metüda a ji dal K.V.W. dla Val Badia en sabeda, ai 11 de setëmbër, **da San Linert sô Oies** cun Mëssa sô Oies. La prozesciun peia ia dales 14.30 dala plaza de colonia de San Linert.

En sabeda, ai 11 de setëmbër, dales 20.30: concert dl Cor di Jëuni de Gherdëina tla dljia da San Martin; düc é bel invia. Azes ma cun Greenpass y mascherot.

PLOANIA SAN MARTIN

Les **zetoles por la prelita** che é gnüdes partides fora pó gní dades jö te dljia ciamó en chësta sabeda y domënia, ai 4 y 5 de setëmbër.

En sabeda ai 11 de setëmbër é la Mëssa Pprefestia dales 7.30 dadoman y nia da sëra dales 20.00. En domënia é la **Gran Mëssa dales 9.00 sô dal Paiun** cun benedisciun dl auto nû di Stödafüch.

PLOANIA LUNGIARÜ

En domënia ai 12 de setëmbër é la **Gran Mëssa bele dales 8.00**, zënza corona denant. - Domisdé tëgn la ploania da Lungiarü la **prozesciun ex voto sô la Crusc**. I piun ia en prozesciun dala staziun a munt dl pröm lift dla Crusc dales 14.00. Atira do ch'i rovun sô sarál na funziun tl santuar dla Crusc. I piarun indô jö en prozesciun dales 16.15. - La Uniun di Seniors inviëia ince dër bel sù mëmbrì da tó pert a chësc peregrinaje dla cöra."

Le zënter sozial La Spona chir da atira n/a operadú/ëssa sozio-assistenzial/a (Sozialbetreuer) o n/a operadú/ëssa sozio-sanitar/a (Pflegehelfer). Por informaziuns præibel telefonede a 0471 843 060.

*Le mascherot me scona dal virus, ch'al ne vëgnes nia ite te me.
Chi che vëiga le significat da stopé la bocia y le nes
ma tl sconé se instësc, vëiga ma mesa la verité.
Deache le maschrot scona ince la jënt dlungia me
da ci ci che vëgn fora de me.*

*Tó le mascherot é n comandamënt dl amur
por mi proscim y por me instës/sa. (Image)*



www.valbadiaonline.it/comunitè

Plata dles Ploanies San Martin y Lungiarü



ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

05.09. - 12.09.21 nr. 41

ultimo termo por comunicaziuns: jöbia, dales 20.00

23^a DOMËNIA IA POR L'ANN B

Vangele do Merch 7,31-37

Te chël tēp à Gejù lascè le raiun de Tirus y é rové, passan por Sidon, dal lêch de Galilea, amesa le raiun dla Decàpolis.

Dailò ân condüt n surtström da Gejù perian, ch'al ti metess sô la man.

Al l'à tut da na pert, demez dala meja, ti à metü i dëiç tles orëdles

y à aziché la lēnga dl ël cun spöda;

spo àl ciarè sô al cil, à susté y ti à dit

al surtström: Effata!, chël ô dî: Dèurete!

Atira s' à sües orëdles daurì, süa lēnga

s' à deslié y al ê bun da baié indortöra.

Gejù ti à proibì de ti al cuntè a zacaì.

Mo plü ch'al ti al proibì, plü ch'ai le

cuntâ inant. Fora de mote dala morvëia

dijô: Al à fat döt bun;

al fej che i surc aldes y i ströms baies.



„La fede vëgn dal aldí“ ti scrí l'apostul Paul ala comunité cristiana da Roma.

*Al é vëi, la fede vëgn dal ascuté sô, dal'atenziun y ince da ti mète averda
ales pedies y ai fostüs de Chël Bel Dî te nosta vita y tl monn.*

Y la fede vir ince dala conferta cun les porsones dla comunité che creï.

La fede n'é nia na cossa privata, por chëra ch'i n'à debojëgn de nia y de degügn.

Propi te chësc tēp dla pandemía sunsi al prigo da me stlùje ite

y da ne chiri nia plü la comunité.

Por che la fede ne restes nia morta zënza opres (cfr. lëtra de San Iaco 2,24-26)

*él debojëgn che nostes orëdles aldes ince i süsc y i scrais de tan de jënt daimpró
y dalunc che præia do aiüt.*

*Sciöche noela de ligrëza nes dij chësc vangele che cun les orëdles davertes
y la lēnga desliada podunse aldí y baié tröp de bel y de bun.*

EDEMA	SAN MARTIN	LUNGIARÜ	 I periun do l'intenziun dl Papa tl mëis de setëmber I periun ch'i unse duc la forza da tó dezijiuns corajoses por vire la vita te na manira scëmpla y d'ütl por la natöra y ch'i podunse odëi cun ligrëza jogn y jones che se prô veramënter te chësc vers. Al Agno Custode Agno de Dî, tö mi protetur, i me surandá a te. Ciara de me y condüjeme. Stáme dlungia y dëideme y porta mi perié dan da Idî. Amen. Invocaziun di Agnui Os Agnui di profec, daidede i anunziadus dl vangele da ti incundé a duc la noela dl amur y dla misericordia de Dî. Os Agnui di grams y di pisimusc, dedi ardiment ch'ai ciafes indô speranza. Os Agnui di arfamá y di püri, ortiedi porsones che s'un toles sura de ëi y partëscen impara. Os Agnui di amará, portedi confort tla maratia y la speranza da varí. Os Agnui de chi sön tru y de chi zënza tët, stravardedi dai prighi dl corp y dl'anima. Os Agnui dla creaziun y dles forzes dla natöra, protejede nosta tera y destolede la jënt da roviné la natöra. Os Agnui di sará ia, daidede sö chi che é a tera y renforzede i oprescioná. Os Agnui de chi che é tl morí, stravardedi da vigni tentaziun y acompagnedi dan dal müs de Dî. (SKB)
05.09.21 23^a DOMËNIA - ann B <i>Tarejia da Calcutta</i> Domënia di Agnui Custodi	9.00 Corona por vocaziuns 9.30 Gran Mëssa por la comunité cun benedisciun dl tēmp <i>(siur Klaus)</i> 3 ^a de sopoltöra de Amalia Zingerle Clement + + Franz y Cristina Conrater + Heinrich Erlacher, dl Cheder	8.15 Gran Mëssa por la comunité cun benedisciun dl tēmp 15.00 Corona tla capela de S. Ojöp Fr.	
06.09.21 Lönesc <i>Zacaria, Consolata</i>	8.00 Funziun <u>tl gran salf</u> de scomenciamënt dl ann de scora por insegnanc, mituns y mitans dla scora element.		
07.09.21 Dedolönesc <i>Zelesin, Iudita, Regina</i>	19.00 Mëssa + Sepl Ferdigg (dl ann) + suor Maria Fidelia Ferdigg		
08.09.21 Dedemesaledema <i>Nadé de Santa Maria, Alan</i>	9.00 Mëssa <u>tla capela da Ju</u> por les families Videsott dl Cir por les Animes dl purgatore	7.30 Mëssa vis y def. fam. Nazio y Loise Clara por interzesciun de S. Ojöp Freinadem.	
09.09.21 Jöbia <i>Pire Claver, Corbinian</i>	7.30 Mëssa + + Pina y Sergio (Roma) por benefaturs vis y defunc Corona por Vocaziuns		
10.09.21 Vëndres <i>Segra di Doms Porsenú y Balsan</i>	18.30 Adoraziun chîta 19.00 Adoraziun deboriada	7.30 Mëssa a d'intenziun por les püres Animes a d'intenz. y rengraz. a Santa Maria Assunta	
11.09.21 Sabeda <i>Felize, Helga</i>	7.30 Mëssa prefestia (nia dales 20.00) + Mariangel Tavella + Maria Craffonara Zingerle (Antermëia) 20.30 Conzert te dljia di Jogn de Gherdëna	18.30 Mëssa prefestia por i nüc Serafin y Miriam + Silvia Zingerle Rives	
12.09.21 23^a DOMËNIA - ann B <i>Inom de Maria</i>	9.00 Gran Mëssa söl paiun - <i>da bur tēmp te dljia</i> - cun benedisciun dl auto nü di Stödafüch che vëgn presenté danfora en onú dl Spirit Sant y de Santa Maria de rengraziamënt dl ann de scora passé y de suplica che l'ann nü vais bun + Irma Sotsass	8.00 Gran Mëssa por la comunité cun benedisciun dl tēmp 14.00 Prozesciun ex voto sö La Crusc <i>dala staziun a munt dl pröm lift demez</i>	